

Electronic Manipulus florum Project

www.manipulusflorum.com

Predicacio ak cum editione moderna

Vt longe ante nos reuerende
memorie Gregorius Nazazenus
edocuit, non una et eadem
exhortacio cunctis congruit quia nec
cunctos par morum qualitas astringit.
Sepe namque aliis officiunt que aliis
prosunt. Quia plerumque herbe que
hec animalia nutriunt, alia occidunt; et
leuis sibilus equos mitigat et catulos
instigat; et medicamentum quod hunc
morbum mitigat, alteri uires iungit; et
pastus qui uitam fortium roborat
paruulorum necat. Pro qualitate igitur
audiencium formari debet sermo
doctorum, ut a sua singulis congruat
et tamen a communis edificacionis arte
nusquam recedat.

Gregorius in pastoralis et XXX.
moralium.

Vt enim longe ante nos reuerendae
memoriae Gregorius Nazanzenus
edocuit, non una eademque
cunctis exhortatio congruit, quia nec
cunctos par morum qualitas astringit.
Saepe namque aliis officiunt, quae aliis
prosunt. Quia et plerumque herbae, quae
haec animalia nutriunt, alia occidunt; et
lenis sibilus equos mitigat, catulos
instigat. Et medicamentum quod hunc
morbum imminuit, alteri uires iungit; et
panis qui uitam fortium roborat,
paruulorum necat. Pro qualitate igitur
audientium formari debet sermo
doctorum, ut et ad sua singulis congruat,
et tamen a communis aedificationis arte
numquam recedat.

Gregorius Magnus, *Regula pastoralis*, 3
Prologus (SC 382, F. Rommel ed.,
pp.258, 260, ll.2-13).